



FeFo stivra háliida loahpalaš čielggadeami 5-kilomehterávadaga hárrái. Gurut bealde olgešguvlui Mathis Nilsen Eira, Marit Kirsten Anti Gaup, Erik Sundland (bargiidáirras), Raymond Robertsen, Hartvik Hansen, Runar Sjøstad ja Bente Haug. Govva: Eirik Palm

Háliidit ođđasit árvoštallat 5-kilomehterávadaga

Finnmárkkuopmodaga stivra háliida ođđa árvoštallat 5-kilomehterávadagas ođđasit álggaheami FeFo-eatnamiin.

5-kilomehterávadat álggahuvvui 1970-logu álggus, ja 1992:s mearridii dalá Finnmark Jordsalgsstyre (Finnmárkku eananvuovdinstivra) joatkit dan. Ortnet loahpahuvvui go Finnmarkkuláhka bodii fápmui.

Ovttajienalaš stivra bivddii maŋemus stivračoahkkimis direktverra ráhkkanahttit ášši stivrii man áigumuššan lea álggahit 5-kilomehterávadaga ođđasit. Ášši galgá sáddejuvvot gulaskuddamii.

«Dat lea ášši mas oallugat Finnmarkkus beroštit, ja mii háliidit oažžut loahpalaš čielggadeami», lohká stivrajodiheaddji Raymond Robertsen.

Stivra bivdá direktverra bidjat ovdan gaskaboddosaš árvoštallama maŋemus stivračoahkkimis 2017:s.

KONTAKTPERSON / GULAHALLANOLMMOŠ:

Raymond Robertsen, stivrajodiheaddji, tlf. 908 37 137

Čuovo min

